




ЎЗБЕКИСТОН — БАА ДЎСТЛИК ВА СТРАТЕГИК ШЕРИКЛИК МУНОСАБАТЛАРИ ЖАДАЛ РИВОЖЛАНМОҚДА

Ўзбекистон Республикаси Президенти Шавкат Мирзиёев Бирлашган Араб Амирликлари Ҳукумат ишлари бўйича вазири Мухаммад бин Абдуллоҳ ал-Гаргавий бошчилигидаги делегацияни қабул қилди.



Учрашув аввалида вазир давлатимиз раҳбарига БАА Президенти Шайх Мухаммад Ол Наҳаён, мамлакат Бош вазири, Вице-президенти ва Дубай Амири Шайх Мухаммад Ол Мактум ҳамда Вице-президент Шайх Мансур Ол Наҳаённинг самимий саломи ва эзгу тилакларини етказди.

Икки мамлакат ўртасидаги кўп қиррали ҳамкорлиқни, аввало, давлат бошқаруви самарадорлигини ошириш ва ушбу соҳада амалга оширилаётган ислохотлар натижадорлигини таъминлаш борасидаги ишларни янада кенгайтиришнинг долзарб масалаларни кўриб чиқилди.

Ўзбекистон — БАА дўстлик ва стратегик шериклик муносабатлари жадал ривожланиб, устувор йўналишларда амалий ҳамкорлик мустаҳкамланаётгани катта мамнуният билан қайд этилди.

Давлат хизмати механизмларини такомиллаштиришнинг 10 та асосий йўналиши бўйича ҳамкорлиқни назарда tutувчи қўшма “йўл харитаси” изчил амалга оширилмоқда. БААнинг бюрократияни қисқартириш соҳасидаги илгор тажрибаси жорий этилмоқда. Тегишли дастур доирасида лойиҳа офиси ишга туширилди.

Ҳозирга қадар қамрови бир миллиондан

ошган “Беш миллион сунъий интеллект етакчилари” таълим дастурини амалга ошириш натижалари ҳам эътироф этилди.

Умуммиллий китобхонлик ҳаракатини биргаликда йўлга қўйиш режалари кўриб чиқилди.

Ёшларни қўллаб-қувватлаш ва камол топтиришга қаратилган лойиҳаларни амалга ошириш, қўшма тараққиёт форумларини ўтказиш ҳамда Ўзбекистон ривожига хизмат қилувчи стратегик ва концептуал ҳужжатларни тайёрлашни илгари суриш бўйича келишувга эришилди.

ЎЗА

ЎЗБЕКИСТОН ВА РОССИЯ ЕТАКЧИЛАРИ ТЕЛЕФОН ОРҚАЛИ МУЛОҚОТ ҚИЛДИЛАР

Ўзбекистон Республикаси Президенти Шавкат Мирзиёев 22 май кuni Россия Федерацияси Президенти Владимир Путин билан телефон орқали мулоқот қилди.

Олий даражада эришилган келишувларни амалга ошириш доирасида Ўзбекистон — Россия кенг қамровли стратегик шериклик ва иттифоқчилик муносабатларини янада ривожлантириш ва мустаҳкамлашнинг долзарб масалалари муҳокама қилинди.

Турли даражалардаги самарали алоқалар мамнуният билан қайд этилди. Парламентлараро, ишбилармонлик ва маданий-гуманитар аламинувлар фаол ривожланмоқда.

Товар айирбошлаш ҳажми барқарор ўсиб бормоқда, йил бошидан буён 23 фоизга ошди. Саноат, энергетика, транспорт ва бошқа муҳим соҳаларда, шу жумладан, минтақалар даражасида йирик кооперация лойиҳалари амалга оширилмоқда.

Ўзбекистон ва Россия раҳбарлари бўлажак икки ва кўп томонлама тадбирлар режасини ҳам кўриб чиқдилар.

ЎЗА

ТУРКИЙ ДАВЛАТЛАР ТАШКИЛОТИ СУДЬЯЛАР КЕНГАШЛАРИ РАҲБАРЛАРИНИНГ IV ЙИГИЛИШИ ИШТИРОКЧИЛАРИГА

Ҳурматли анжуман иштирокчилари! Авваламбор, сиз, азизларни туркий цивилизациянинг қадимий марказларидан бири бўлган кўҳна ва ҳамиша навқирон Самарқанд шаҳрида чин дилдан табриклашдан бахтиёрман.

Ҳеч шубҳасиз, ушбу йиғилишнинг доимо адолат тамойилларига таяниб иш юритган Соҳибқирон Амир Темуր салтанатининг пойтахтида, ул зотнинг 690 йиллик қутлуг

таваллуд санаси халқро миқёсда кенг нишонланаётган кунларда бўлиб ўтаётгани анжуманга алоҳида шукӯҳ бағишламоқда.

Жаҳон ҳамжамиятидаги ўрни ва нуфузи тобора ортиб бораётган Туркий давлатлар ташкилотининг бугунги кунда туркий бирлик ва тараққиёт борасида муҳим роль ўйнаётгани барчамизга юксак ғурур ва ифтихор етказди.

► Давоми 2-бетда

Ўзбекистон Республикаси Президентининг ҚАРОРИ

МУБОРАК ҚУРБОН ҲАЙИТИ МУНОСАБАТИ БИЛАН АҲОЛИНИ ДАВЛАТ ТОМОНИДАН ҚўЛЛАБ-ҚУВВАТЛАШ ВА МЕҲР-САХОВАТ ТАДБИРЛАРИНИ САМАРАЛИ ТАШКИЛ ЭТИШ Тўғрисида

Халқимизга хос меҳр-оқибат, инсонпарварлик, шукроналик, саховат ва бағрикенглик каби эзгу фазилатларни муҳассам этган муборак Қурбон ҳайитини муносиб нишонлаш, ушбу қутлуг айёмда аҳолини давлат томонидан қўллаб-қувватлаш мақсадида қарор қиламан:

1. Давлат томонидан қўллаб-қувватлаш чоралари

1. Ўзбекистон мусулмонлари идораси, Ўзбекистон Республикаси Президенти

ҳузуридаги Ижтимоий ҳимоя миллий агентлиги (кейинги ўринларда — Агентлик), Соғлиқни сақлаш вазирлиги, Иқтисодиёт ва молия вазирлиги, Ўзбекистон маҳаллалари уюشمаси ҳамда “Вақф” хайрия жамоат фондидининг муборак Қурбон ҳайити муносабати билан аҳолини ижтимоий-иқтисодий жиҳатдан қўллаб-қувватлашга қаратилган қуйидаги тақлифларига розилик берилсин:

► Давоми 3-бетда

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ “СИФАТЛИ ДАВЛАТ БОШҚАРУВИ” ДАСТУРИ БЎЙИЧА ФОРУМ ВА ТАҚДИРЛАШ МАРОСИМИДАГИ НУТҚИ

Ассалому алайкум, ҳурматли тадбир иштирокчилари!

Ҳурматли Мухаммад ал-Гаргавий жаноблари!

Авваламбор, барчангизни “Сифатли давлат бошқаруви” дастури доирасида ўтказилётган бугунги муҳим тадбир ва тақдирлаш маросимини билан самимий кутлайман.

Яхши хабардорсиз, мамлакатимизда олиб борилаётган ислохотлар марказида инсон қадрини улуғлаш, аҳоли ва тадбиркорлар учун муносиб шароитлар яратиш асосий ўрин эгаллайди. Сўнгги 10 йилда “Халқ давлат идораларига эмас, давлат идоралари халққа хизмат қилиши лозим”, деган олижаноб фалсафани давлат сиёсати даражасига кўтардик.

Бошқарув соҳасида аҳоли учун самарали тизим яратмасдан туриб, ҳеч бир йўналишда қутилган натижага эришиб бўлмайди.

► Давоми 2-бетда

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ МИЛЛИЙ КИТОБХОНЛИК ҲАРАКАТИ БОШЛАНИШИГА БАҒИШЛАНГАН МАРОСИМДАГИ НУТҚИ

Ҳурматли тадбир қатнашчилари!

Ҳурматли Мухаммад ал-Гаргавий жаноблари!

Азиз ёш китобхонлар! Бугун мамлакатимиз ҳаётидаги яна бир унутилмас тарихий воқеа — Ўзбекистонда китобхонлиқни ривожлантириш бўйича умуммиллий ҳаракатга старт берилмоқда.

Ҳаммамизга маълумки, дунё шиддат билан ўзгаришга. Ҳаётимизга рақамли технологиялар, замонавий гаджетлар ва сунъий интеллект тобора чуқур кириб келмоқда. Инсон онги ва қалбини бошқаришга қаратилган босимлар кун сайин кучаймоқда. Лекин бир ҳақиқат борки, у ҳеч қачон ўзгармайди. Яъни китоб ўқийдиган одам теран ва соғлом фикрлайди. Бундай тафаккурга эга инсон эса жамиятни ўзгартира олади.

Сунъий интеллект асрида одамзоднинг энг катта устунлиги — мустақил фикрлай олиш қобилиятидир. Китоблар бу йўлда

энг яхши дўст ва бегараз кўмакчи ҳисобланади.

Биз Янги Ўзбекистонда мутлолаа маданиятини, китобга бўлган эътиборни давлат сиёсати даражасига кўтаряпмиз. Китобхонлик бу — фақат таълим масаласи эмас, балки миллиятимиз, халқимизнинг келажаги, мамлакат рақобатбардошлигини таъминлайдиган бекиёс маънавий кучдир.

Улуг аждодларимиз — Имом Бухорий, Мухаммад Хоразмий, Аҳмад Фарғоний, Алишер Навоий ва Мирзо Улуғбек сингари мутафаккир зотлар инсоният цивилизацияси ривожига улкан ҳисса қўшганлар. Уларнинг ҳар бири китоб мутлолаа қилиш орқали юксак марраларга эришганлар. Шу маънода, Алишер Навоий бобомизнинг “**Китоб — беминнат устоз, маънавий юксалишнинг асосий манбаи**”, деган сўзларида чуқур маъно муҳассам.

► Давоми 2-бетда

МАЪРИФАТ, МУТОЛАА ВА ТЕРАН ТАФАККУР ЮРТ ТАРАҚҚИЁТИНИНГ ҚУДРАТИГА АЙЛАНМОҚДА

Президентимиз Шавкат Мирзиёев Халқаро конгресс марказида Ўзбекистонда китобхонлиқни ривожлантириш бўйича умуммиллий ҳаракатга старт бериш маросимида иштирок этди.



Тафаккур — инсонга тортиқ этилган энг бебаҳо неъмат! Замонавий гаджетлар, айниқса, сунъий интеллект унинг нақадар қадрли эканини яна бир қарра исботламоқда. Шиддат билан ўзгариб бораётган дунёда яшаб биялмизки, дунёда етакчилик қилиш, эркин ва фаровон яшаш қафолати айнан тафаккур, фикрлаш тарзи билан боғлиқ.

Янги Ўзбекистондаги ислохотларнинг илк кунларидаёқ, ҳали ҳаётимизга сунъий идрок кириб келишга улгурмаган паллада барчангиз китоб билан дўст бўлиши зарурлиги айтилган эди. Ўз вақтида илгари сурилган ташаббус қисқа муддатда амалий

ҳаракатга айланди. Юртимизда китобхонлик борасида ўзига хос тарғибот бошланди. Зеро, китобхонлик фақат таълим масаласи эмас, балки миллият келажаги, халқимизнинг маънавий қудрати, мамлакат рақобатбардошлигини таъминлайдиган муҳим омил экани ўша пайтдаёқ ҳисобга олинган эди. Бугун мутлолаа маданияти ва китобга эътибор давлат сиёсати даражасига кўтарилмоқда.

— Китоб ўқийдиган одам теран ва соғлом фикрлайди. Бундай тафаккурга эга инсон эса жамиятни ўзгартира олади, — деди Президентимиз.

Улуг аждодларимиз — Имом Бухорий, Мухаммад Хоразмий, Аҳмад Фарғоний, Алишер Навоий, Мирзо Улуғбек каби мутафаккирлар инсоният цивилизациясига улкан ҳисса қўшганини қайд этди. Уларнинг юксак марраларга эришишида илмга интилиш ва китоб мутлолааси асосий манба бўлган. Умуман, дунёда бирор салмоқли ютуққа эришган инсон борки, муваффақиятининг ортида билим, тафаккур, демакки, китоб турибди.

► Давоми 3-бетда

ПРЕЗИДЕНТ ШАВКАТ МИРЗИЁЕВНИНГ ФУТБОЛ БЎЙИЧА ЎЗБЕКИСТОН МИЛЛИЙ ТЕРМА ЖАМОАСИ АЪЗОЛАРИ БИЛАН УЧРАШУВИДАГИ НУТҚИ

Ассалому алайкум, ҳурматли тадбир иштирокчилари!

Терма жамоа аъзолари!

Қадрли устоз ва мураббийлар!

Футболимиз фахрийлари!

Барчангизни катта футбол байрами — АҚШ, Мексика ва Канада майдонларида бўладиган жаҳон чемпионати олдидан соғ-саломат ва яхши кайфиятда кўриб турганимдан хурсандман.

Биз бу кунларни бутун халқимиз, футбол ишқибозлари билан 34 йил кутдик. Шу маънода, футболчиларимизни Ўзбекистон тарихида янги саҳифа очган замонамиз қаҳрамонлари деб айтсак арзийди. Чунки улар ҳар бир ўйинга юқори тайёргарлик кўриб, юксак масъулият, ватанпарварлик руҳи билан фақат ғалаба учун майдонга тушди. Халқимизга олам-олам қувонч бағишлади.

Тўғрисини айтсам, муңдиал йўлланмаси қўлга киритилган кун қўшимга уйқу келмади. Барча юртдошларимиз каби мен ҳам ич-ичимдан қувондим, байрам қилдим.

Фурсатдан фойдаланиб, майдонда жасорат ва маҳорат кўрсатган футболчиларимизга, уларни тарбиялаб, вояга етказган ота-оналарига, устоз ва мураббийларига ташаккур изҳор этаман.

Бугунги учрашувимизда таниқли шоир, адиб ва санъаткорларимиз ҳам иштирок этапти. Улар майдонда жасорат ва матонат кўрсатган футболчиларимиз ҳақида янги шеър ва асарлар ёзипти, қўшиқ ва мадҳиялар яратипти.

Тадбиркорларимизни айтмайсизми, улар ҳам аллақачон ҳаракатни бошлаб юборган. Бизнес вакиллари сизлар орқали миллий “бренди”ни дунёга таниттипти, янги бозорларга чиқипти.

► Давоми 2-бетда

ПРЕЗИДЕНТ ШАВКАТ МИРЗИЁЕВНИНГ ФУТБОЛ БЎЙИЧА ЎЗБЕКИСТОН МИЛЛИЙ ТЕРМА ЖАМОАСИ АЪЗОЛАРИНИ ЖАҲОН ЧЕМПИОНАТИГА ТАНТАНАЛИ КУЗАТИШ МАРОСИМИДАГИ НУТҚИ

Ассалому алайкум, ҳурматли юртдошлар!

Азиз футбол мухлислари!

Барчангизни бугунги файзли оқшомда ўтказилаётган катта футбол байрами билан табриклайман.

Бугун — ўзбек футболни учун яна бир тарихий кун. Катта ишонч ва эзгу тилаклар билан миллий терма жамоамизни АҚШ, Мексика ва Канада майдонларида бўлиб ўтадиган футбол бўйича жаҳон чемпионатида кузатами.

Фурсатдан фойдаланиб, бизга мана шундай унутилмас кунларни тақдим этган маҳоратли футболчиларимизга, уларни тарбиялаб, вояга етказган ота-оналарига, устоз ва мураббийларига, терма жамоамизнинг барча аъзоларига бутун халқимиз номидан чуқур миннатдорлик билдираман.

Қадрли дўстлар!

Сизларнинг миллий жамоага бўлган

меҳрингиз ва садоқатингиз ҳар қанча таҳсинга лойиқ. Иссиқни иссиқ демай, ёмғирни ёмғир демай, ғалаба онларида ҳам, қийин дамларда ҳам футболчилар билан бирга бўлиб, ҳақиқий ватанпарварлик намунасини кўрсатиб келяпсиз. Бунинг учун стадионни тўлдириб ўтирган мухлисларга, сизлар орқали футболсевар халқимизга алоҳида раҳмат айтаман.

Бугун стадионда фан-клубларимизни ҳам кўриб турибман. Улар терма жамоа ўйинларини нафақат трибунадан кузаяпти, балки футболчилар билан бирга курашяпти, футболнинг ичида яшаяпти.

Фан-клублар аъзолари ҳар бир ўйинда чин ўзбекона, бетакор услуби билан ўн иккинчи ўйинчи вазифасини муносиб бажариб келяпти, десам, ўйлайманки, сизлар ҳам фикримга қўшилисиз.

► Давоми 2-бетда

ЯНГИ ЎЗБЕКИСТОН

Сўнгги кўнғироқ садоси битирувчиларни янги ҳаёт сари чорлайди. Энди улар олдида катта йўл, улкан орзулар ва юксак масъулият турибди. Кимдир шифокор, кимдир муҳандис, яна кимдир ўқитувчи бўлишни истайди. Умид ила боқиб турган ота-оналар уларга куч беради.

КЎЗГҮ5

2026 йил 23 май, 104-сон

Битирувчи — 2026

“БИЗНИ ВАТАН КҮТЯПТИ!”

Муножат МҶМИНОВА,
“Янги Ўзбекистон” мухбири

Мана, яна бир ўқув йили ниҳоялаб, сўнгги кўнғироқ чалинадиган палла ҳам етиб келяпти. 500 мингга яқин 11-синф битирувчиси мустақил ҳаёт остонасида, орзу ва мақсадлари сари қадам ташлашга шай бўлса, 600 мингдан зиёд 9-синф битирувчиси мактабда, академик лицей ёхуд техникумда ўқишни давом эттиради.

Мустақил ҳаёт остонасида

УШБУ МАҚОЛАНИ
ҚОРАҚАЛПОҚ ТИЛИДА
ҲАМ ЎҚИШ УЧУН
QR-КОДНИ СКАНЕР
ҚИЛИНГ!

РАҒБАТ ЮКСАК МАРРАЛАР
САРИ ЧОРЛАЙДИ

МУДДАТИДАН ОЛДИН
ТАЛАБА БЎЛГАНЛАР

Бир олам орзулар билан қанот қоқишга шайланган ёшларга ҳавас қилмай иложингиз йўқ. Имкони бўлса, бир интилишда юлдузни забт этиш шижоати бор уларда. Бири пойтахтдаги университет сари останаётганини айтса, яна бири хориждаги қайсидир нуфузли ОТМга талабаликни нақд қилиб қўйгани билан ғурурланади. Кенг имкониятларга эга юртнинг ёшлари бошқача бўлиши ҳам мумкин эмас.

Илгари бир мактабни ўртача 50-60 ўқувчи битирган бўлса, шундан саноқлиси талаба бўлган. Бугунги манзара бутунлай бошқача. Баъзи мактаб битирувчилари муддатидан олдин талаба бўлиш имкониятини қўлга киритмоқда. Хусусан, Китоб туманидаги 50-мактабнинг 11-синф ўқувчилари аллақачон талабалик учун етарли балл тўплашга улгурди.

— Биз бир синфни 56 ўқувчи тамомлаганмиз. Синфдошларимиздан мен ва яна бир дўстим олий ўқув юртига ўқишга кирганмиз. Ушанда бу хабар қишлоқда шов-шув бўлган, ота-онамиз, қариндош-уруғларимиз фахрланган ҳамон ёдимда. У пайтда Мирзо Улуғбек номидаги Ўзбекистон Миллий университети талабаси бўлиш масъулиятини унча ҳис қилмаганман. Ўқишни битириб

мулоқотда таълимга чексиз имкониятлар яратилаётганини чуқур ҳис қилдим. Президентимиз кўксимга “Шухрат” медалини тақдирлаган лаҳзалардаги ҳаяжонимни, хурсандлигимни эса сўз билан ифода қилай олмайман, — дейди педагог. — Ўқиган, эшитганларим асосида эмас, бевосита шу касбда фаолият юритаётган ўқитувчи сифатида ҳозир мамлакатимизда таълим тизимини ривожлантириш борасида халқаро андозаларга мос ислохотлар йўлга қўйилганини баралла айта оламан. Кўп йилдан бери шу мактабда математикадан дарс бериб келаман. Дастлабки йиллари битирувчи синф ўқувчиларининг камдан-ками педагогика йўналишини танларди. Мисол учун, 2015 йилгача тайёрлаган шоғирдларимдан бори-йўри 3 нафари ўқитувчи бўлди. Энди бугунги кун билан

МАКТАБДАН КАТТА ЮТУҚ
БИЛАН КЕТЯПМАН

Зулҳаё МИНГБОЕВА,
Ҳалима Худойбердиева номидаги ижод мактаби ўқувчиси, Зулфия номидаги давлат мукофоти соҳиби:

— Шу кунларда мактабга келар эканман, ҳаммаси ҳар доимгидек туюлади. Уша таниш йўлақлар, синфхона, кўнғироқ овози... Бирок қалбимда қандайдир бошқача ҳис бор. Чунки мен мактаб билан хайрлашаётган битирувчиман. Аммо мактабдан катта бир ютуқ билан кетяпман. Қўлимда Зулфия номидаги давлат мукофоти, қалбимда эса чексиз ҳаяжон ва миннатдорлик туйғуси. Бу мукофот мен учун шунчаки диплом ёки ютуқ эмас. Мактабимиз ўқувчилари ўртасидаги илк давлат мукофоти экани билан ҳам аҳамиятли. Келгусида сафимиз кенгайишига ишонаман. Давлатимиз биз, ёшларнинг илм эгаллаб, юқори марраларни забт этишимиз учун зарур шароитларни яратиб берапти. Шунинг учун ҳам катта авлод вакилларининг аксарияти ўрнимизда бўлиб қолишни истайди. Улар бугунги мактабларга, ҳозирги мукофот ва рағбатларга жуда ҳавас қилишади.

Бугунги ўқитувчилар ҳам замон талабларига мос тарзда ўз устида ишлаяпти. Устозларим билим берибгина қолмай, ўзимга ишонч ҳам уйғотди. Ҳар бир муваффақиятимда уларнинг ҳиссаси бор. Улар орқали мактаб менга сўзни, шеърни севира олди. Келгусида адабиёт вакили бўлишни истайман ва бунинг учун тинимсиз ҳаракат қиламан. Зеро, қизлар ҳам катта мақсадларга эриша олишини, жамиятда ўз ўрнига эга бўлишини исботлашни истайман.

Зулфия номидаги давлат мукофоти соҳиби деган номига муносиб бўлиш учун бу кўпроқ изланишим, билим олишим ва жамиятга фойда таъдиган инсон бўлишим керак. Чунки ҳақиқий ютуқ фақат мукофот олиш эмас, балки халқ ишончига муносиб яшашдир. Агар инсонда мақсад, меҳнат ва ишонч бўлса, албатта, ўз йўлини топади. Бугун қалбимда фақат битта тилак бор: менга билидирилган ишончни оқлаш ва Ватаним тараққиётига муносиб ҳисса қўша оладиган инсон бўлиш.

МУВАФФАҚИЯТ —
КУЧЛИ МУҲИТ МЕВАСИ

Акбар ДОСТОНОВ,
Сариосиё туманидаги ихтисослаштирилган мактаб-интернатнинг 11-синф битирувчиси:

— Ростини айтсам, ҳозир қалбимда икки илм туйғу курашапти. Бир тарафдан қувонаман — олдимда янги ҳаёт, янги орзулар, катта мақсадлар турибди. Устозларим ёрдамида тинимсиз ўқиб изланиш натижасида АҚШ, Швейцария, Италия ва Канада каби давлатларнинг 32 та олийгоҳига 2 миллион 165 минг долларлик грант ютиб олдим. Ихтисослаштирилган мактаблардаги замонавий шароитлар сабабли қўллаб-ёшлар мен каби ютуқларга эришиб келяпти. Ёшларнинг халқаро майдондаги бундай муваффақияти янги Ўзбекистон таълим тизимида яратилаётган имкониятларнинг ёрқин натижасидир.

Иккинчи тарафдан эса мактаб билан хайрлашиш ҳам оғир. Чунки бу ер мен учун шунчаки таълим маскани эмас, балки ҳаётимнинг энг ғўзал онлари ўтган табаарук жой.

Муҳими, устозларимдан миннатдорман. Улар бизга фақат китобдаги билимларни эмас, ҳаётни ҳам ўргатди. Қийин пайтларда далда берди, ишонди, тарбия қилди. Балки баъзан уларнинг меҳнатини тўлиқ қадрламагандирмиз, аммо устознинг меҳнати бекиёс эканини мен каби ютуққа эришган ҳар бир ўқувчи чуқур англаб етди.

Бугун келажакдан чўчимаيمان. Чунки мактаб менга илм олиш машаққатларига кўнма, кучли билим билан бирга ишонч ва кенг танлов имконини ҳам берди. Нафақат мақсадларим сари интилдим, балки мамлакатимнинг энг иқтидорли ёшлари жамланган, рақобатбардош академик муҳитда чинқикдим. Ихтисослаштирилган мактаб-интернатимиздаги 52 битирувчининг ҳар бири ҳақиқий етакчидир. 12 тендошим энг юқори — 189 балллик натижани қайд этган. 15 нафари 170 дан юқори баллга эга. Қолган барча ўқувчиларнинг эса камида 1 тадан халқаро ёки миллий сертификати бор. Мана шундай кучли илм майдонида ўқиш ва улар орасида етакчилардан бири бўлиш мен учун ҳам фахр, ҳам улкан рағбатдир.

Ўзим орзу қилган касб эгаси бўлиб, таълим берган устозларим ва халқимизнинг ишончини оқлаш учун бор билимимни сарфлайман. Ўзим каби мустақил ҳаёт остонасида турган барча ёшларга билим олишда давом этишни, ўз касбининг устаси бўлиш учун ҳаракатдан тўхтамасликларини тилаб қоламан. Зеро, бизни ватан кутяпти.

ТАЪЛИМДАГИ ХАЛҚЧИЛ ИСЛОХОТЛАР
ЁШЛАР ДУНЁҚАРАШИНИ ЎЗГАРТИРМОҚДА

Мамлакатдаги янгиланишлар шиддати қанча кучли бўлса, жамиятга шунча тез ва оммавий таъсир қилади. Янги Ўзбекистонда илм-фанга катта эътибор берилмоқда. Ислохотлар қўламдорлиги ва халқчилиги боис, ёшлар орасида ўқиб-ўрганишга рағбат тобора кучайиб, катта ютуқларимиз кўпайиб бормоқда.

Парвоз

Яқинда Навоий шаҳридаги 4-мактабнинг 2-синф ўқувчиси Мухаммадали Юсупов инглиз тилидан В2 даражасидаги сертификатни қўлга киритди. Эътиборлиси, Мухаммадали бу натижага илк уринишдаёқ эришди. Қаҳрамонимизнинг отаси Алишер Рўзиев Навоий кон-металлургия комбинатида дастуричи, онаси Шохсанам Ҳасанова эса ўй бекаси.

— Ўғлимнинг хорижий тилларни ўрганишини истган эдим, — дейди Шохсанам Ҳасанова. — У 3 ёшдан бошлаб рус тилини, 5 ёшидан инглиз тилини ўргана бошлади. Фарзандларимиз бўш вақтида спорт билан шугулланади, тил ўрганади. Қолаверса, дарсларига ҳам жиддий қараймиз. Ҳозир 6 ёшли қизим ҳам рус тилида ўқиб, ёзишни билади. Унга акиси ёрдам беради. Ўқиш учун боланинг ўзида ҳоҳиш ва ҳаракат бўлиши лозим.

Албатта, таълим фарзанд тарбияси ва камолотида муҳим пойдевор. У қанчалик мустахкам бўлса, натижалар ҳам юксак бўлади. Навоий шаҳридаги 4-мактаб умумтаълим фанларини ўқитиш, турли тўғрақларни юритиш, чет тилларни ўргатиш бўйича ўқувчиларни юксак ютуқлар сари етакламоқда. Мактабнинг 2-синф ўқувчиси Мухаммадали Юсупов ҳам шу эътибор, таълим сифатини ошириш йўлида бажарилаётган ишлар натижасида рекорд натижани қайд этди.

— Мактабимизда 2700 дан зиёд ўқувчи бор, — дейди Навоий шаҳридаги 4-мактаб директори ўринбосари Нигора Абдиева.

— Ҳозир битирувчиларимизнинг 95 фоизи миллий сертификатга эга. Бундан ташқари, 2 ўқувчимиз CEFR, IELTS халқаро сертификатларини олиб, 1400 дан зиёд балл тўплади. Ўқувчиларимиз фан олимпиадаларида ҳам юқори натижаларга эришмоқда. Шунингдек, енгил атлетика, самбо ва каратэ бўйича тўғрақларга қатнаб, турли мусобақаларда ютуқларни қўлга киритмоқда. Мухаммадали Юсуповнинг муваффақияти бутун мактаб жамоасини қувонтирди. Унинг юксак натижаси тенгдошлари ва бошқа синф ўқувчиларини руҳлантирди.

Мактабнинг ўқув биналари тубдан янгиланиб, замонавий жиҳозлар билан таъминланган. Муҳими, мактабда “Сифатли таълим — келажак пойдевори” широри остида тизимли ишлар йўлга қўйилган. Шунингдек, мактабга хорижий ўқитувчи ҳам жалб этилган.

— Филиппиндан келиб, ушбу мактабда 6 йилдан буён инглиз тилидан дарс бераётган, — дейди хорижий ўқитувчи Понг-го Герогалем. — Доим ўқувчиларни қўллаб-қувватлаб, йўл-йўриқ кўрсатишимиз керак. Шунда улар ҳаётда ўз ўрнини топиш, халқаро майдонда рақобатлашишга қийналмайдди. Ўрганиш муҳаббатдан бошланади. Агар ўқувчиларим инглиз тилини яхши кўрса, ўрганишга табиий равишда интилади. Шу боис, уларнинг чет тилини ўрганишга

иштиёқи ва шижоатини қадрлайман. Ёзда ўқувчилар учун инглиз тилини ўргатадиган оромгоҳ очиш ниятидаман. Бу ўқувчилар учун янги имконият бўлади.

Мактабда ўқитувчилар билан инглиз тилида эркин мулоқот қиладиган 7-8 яшар ўқувчилар сафи кенгайиб борапти. Таълим даргоҳи жамоаси ва ота-оналарнинг доимий мулоқоти ҳам ютуқларга замин яратмоқда. Масалан, Мухаммадалининг инглиз тили ўқитувчиси Шаҳзода Бобоназаров шоғирдининг истеъдодини пайқашни ҳамон унинг ота-онаси билан суҳбатлашди. Зарур қўмақ бериб, кўшимча машгулотлар ўтди.

— Ота-оналар фарзандининг қобилиятини англаб, уни тўғри йўналтирса, бундан ҳам зўр

натижаларга эришиш мумкин, — дейди Шаҳзода Бобоназаров. — Баъзан кичик синфдаги ўқувчилар ўзидagi қобилиятни кўрсата олмайди. Бунда ота-оналар ва ўқитувчиларнинг қўллаб-қувватлови жуда муҳим. Беш йилдан бери инглиз тилидан дарс бераман. Мухаммадалининг натижаси фаолиятимдаги энг яхши кўрсаткич бўлди. Саккиз ёшда шундай сертификатни қўлга киритиш мамлакатимизда эътироф этилди. Ҳозир 100 га яқин ўқувчи қўшимча машгулотларимда қатнашапти. Ўтган йили 80 фоиз ўқувчимиз юқори натижага эришди. Шоғирдларимиз Италия ва Малайзияда бўлиб ўтган халқаро олимпиадаларда юқори ўринларни эгалладилар.

Навоийлик ўқувчиларнинг натижаси тез-тез эътироф этилмоқда. Яқинда Қизилтепа туманидаги “Парвоз” хусусий мактабнинг 8-синф ўқувчиси Дилбар Абдусамодова халқаро SAT имтиҳонидан 1430 балл тўплади. Инглиз тилидан В2 даражали сертификат олиб, муддатидан олдин талаба бўлди. Шу мактабнинг 11-синф ўқувчиси Суҳроббек Собиров халқаро SAT имтиҳонидан 1390 балл, 10-синф ўқувчилари Валихон Обидов ва Бехзод Фарҳодов халқаро SAT имтиҳонидан мос равишда 1340 ва 1260 балл олиб, муддатидан олдин талабаликка эришди.

Ўтган йили олий таълим муассасаларига кириш ўртача бали бўйича Зарафшон шаҳри мамлакатимизда 1-ўринни эгаллаган бўлса, Қизилтепа тумани вилоятда 1-ўринни қайд этди. Шу билан бирга, вилоятда 10 та мактабнинг 100 фоиз битирувчиси олий таълим муассасаларига ўқишга қабул қилинди. Битирувчиларнинг 309 нафари хорижий грантларни қўлга киритиб, нуфузли 1000 таликдаги ОТМларга қабул қилинди. Яна 105 битирувчи етакчи 100 таликдаги хорижий олий таълим муассасаларида ўқиш имконига эга бўлди. Буларнинг барчаси таълимдаги ислохотлар шиддат билан кенг қамровда давом этаётганини кўрсатади.

Ғолиб АБДУСАЛОМОВ,
“Янги Ўзбекистон” мухбири

Ишга киргандан кейин, шунда ҳам узок йиллар давомида бу касб ўзига яраша машаққатли ва шарафли эканини англаб етганман, — дея хотирлайди Парвоз Элмирзаев.

Ўқитувчи билим, маърифат улашувчи, инсонларни эзгулик ва бунёдкорликка чорловчи маёқ кабилдир. Билганларини ёш авлодга ўргатишдан унинг кўнгли осмон каби юксалади. 50-мактабнинг математика фани ўқитувчиси Парвоз Элмирзаев ҳам ана шундай саодатманд, фидойи педагоглардан.

— Ўқитувчи сифатли таълим-тарбия беришдан бошқа ўй-ташвишларини мактабга етказиб келмаслиги керак, — дейди у. — Ўқувчиларим билан доим самимий гаплашишга ҳаракат қиламан. Тўғри, бир оз қаттиққўлликим бор. Ўқувчининг яхши натижага эришиши интилиши билан бирга оилада олган тарбиясига ҳам боғлиқ. Бунга таърибамада қўйяман. Агар бола тарбияли бўлмаса, кутилган натижага эришиш қийин. Шу боис, таълим ва тарбияни бир-биридан асло ажратиб бўлмайди. 9-синфни тамомлагач, ўқувчиларни саралаймиз. Касб-ҳунарга қизиқувчиларини ўрта махсус таълим муассасаларига йўллаймиз. Олий таълимда ўқишни давом эттириш ниятидагиларни олиб қоламиз. Шу боис, ўқувчиларимизнинг олий ўқув юртиларига кириш кўрсаткичи юқори.

Тоғ этагидagi жойлашган Равот қишлоғида 25 йилдан бери болаларга сабоқ бериб келаётган Парвоз Элмирзаев ўтган йили Президентимизнинг тегишли фармонига қўра, “Шухрат” медали билан тақдирланганди. Бу юксак рағбат уни янада янги зафарларга ундади.

Давлатимиз раҳбари ўтган йили ўқитувчи ва мураббийлар билан ўтказган учрашувда иштирок этгандим. Унда таълимдаги ютуқлар билан бирга камчиликлар хусусида ҳам сўз юритилди. Йиллар давомида ўқитувчи ўз соҳасидан қўра бошқа ишларга жалб этилгани, қадди ва қадри тушиб кетгани таъкидлаб ўтилди. Энди бу борада янги ислохотларга юз буришимиз шарт экани айтилди, фикр-мулоҳазалар билдирилди. Ўша

қўйсасам, ўтган йилнинг ўзида 13 битирувчининг педагогика йўналиши бўйича ўқишга кирди.

Парвоз Элмирзаев ҳам таълим соҳасидаги имкониятлардан унумли фойдаланиб келаётди. 25 йиллик фаолияти давомида у тайёрлаган ўқувчилар бугун мамлакатимиздаги нуфузли олийгоҳларни тамомлаб, жамиятнинг турли жабҳаларида фаолият юритмоқда. Бугун фидойи муаллимнинг сайё-ҳаракатлари натижасида қишлоқда олий маълумотлилар сафи кенгайиб борапти.

— Кейинги тўрт-беш йилда мактаб дарсликлари тубдан ислох қилинди, — дейди 50-мактаб директори Ориф Пардаев. — Вариатив ва танлов синфлари ташкил этилди. Яъни мактаб ўқувчилари ўзи хоҳлаган йўналишга қараб фанларни танлаш имконига эга бўлди. Масалан, математикани йўналишини танлаган ўқувчига иқтисодиёт ва инглиз тили фанлари чуқурлаштирилган ҳолда ўқитилади. Сўнгги йилларда олий ўқув юртида ўқишни истаётган битирувчиларимизнинг аксарияти талаба бўляпти. Жорий ўқув йилида ҳам 15 ўқувчимиз мактабни битирипти. Улардан кўнглимиз тўқ. Сабаби аллақачон шоғирдларимиз олий ўқув юртига кириш бўйича 100 фоизлик натижани қайд этган.

— 10-синфдан бошлаб математика фанидан чуқурлаштирилган шаклда билим берилган, — дейди мактаб битирувчиси Улуғбек Рўзиев. — Жорий йил мартада эса математикани биш даражада тўғрисида сертификатга эга бўлдим. Аввалроқ бошқа иккита фандан ҳам шундай сертификат олгандим. Жами 189 балл тўпладим. Бу натижага эришишда, табиийки, устозларимнинг ҳиссаси катта. Ҳозир иқтисодиёт йўналиши бўйича университетда ўқиш истагидаман. Қолган синфдошларимнинг натижалари ҳам юқори. Айримлари билан бир олийгоҳда ўқишни давом эттиришни режалаштирганмиз.

Акбар РАҲМОНОВ,
“Янги Ўзбекистон” мухбири



Рақамли дунёда туйғулар жанги



Дадахон МУҲАММАДИЕВ,
филология фанлари бўйича
фалсафа доктори

Бугунги шиддатли замонни кузата туриб, баъзан вақтнинг қандай учиб ўтаётганига ҳайрон бўласан. “Аввалгилар ҳам бир суткада 24 соат яшаганмикан ё уларда вақт кўпроқ бўлганми?” деб ўйлаб қоласан. Виртуал олам, рақамли технологиялар, сунъий интеллект қуршовида яшаямиз. Ахборот оқими шу қадар тезки, енгил-елпи кўнгилочар нарсалар онгимизни эгаллаб олмоқчилик гўё.

Бироқ ана шу техника-технология асрида ҳам одамзод барибир юракни титратадиган, руҳга озуқа берадиган асл санъатга, сўзга эҳтиёж сезар экан. Мен негидир минг йилдан кейин ҳам шундай бўлишига ишонаман — сунъий интеллект қанчалик ривожланмасин, одамнинг тафтини барибир фақат одам олади.

Ҳозирги авлод китоб ўқимайди, шеър эшитмайди, адабиёт халқдан узоқлашиб кетди деган янгилик фикр пайдо бўлди. Ҳа, янгилик фикр! Гўё занжирланган эшикнинг қулфини очолмай ҳалок бўлган, аслида, эшик қулфланмагани ва унга шунчаки бир тегиб кўриш кераклигини билмаган одамга ўхшаймиз. Сўнгги йилларда содир бўлаётган адабий ҳодисалар, айниқса, бир ташаббус бу эшикни силтаб очди. Бу — Республика Маънавият ва маърифат маркази томонидан йўлга қўйилган, бугун катта маънавий ҳаракатга айланган “Сўз” лойиҳасидир.

“Сўз”нинг илк нафасидан бошлаб унинг юраги қандай ургани тирик жараёндек кўз олдимиздан ўтди. Ёзаётганларим бу — лойиҳанинг ҳам рақамли видеоко-нент шаклидаги варианттини, ҳам кейин-чалик катта сахналарга кўчган жонли концерт дастурларини жараёнинг ичиди туриб кузатганларимдир.

Лойиҳа бугунгидек йирик концерт залларида намойиш этилишдан аввал интернет майдонида самимий видеолавҳалар кўрини-шида бошланган эди. Лойиҳа ижодкорлари бугунги ёшлар тушунадиган “тил”да — ижтимоий тармоқлар форматида иш бошла-ди. Сифатли визуал ечим, юқори дид ва му-сика уйғунлигида шеърини видеомаҳсулотлар суратга олина бошлади.

Бу жараён мазкур лойиҳада иштирок этган барча ижодкор учун қадрли. Шеърда-ки дарад ва изтиробни визуал санъат орқали одамларга етказиш қанчалик гўзал натижа беришини ўшанда кўпчилик ўз танасида, ўз тажрибасида кўрди. Дид билан ишланган бу қисқа видеолавҳалар ижтимоий тармоқларда занжирдек уланиб, минглаб юракларга етиб борди. Бу ҳаракат қайсидир кўнгилларда пинҳон ётган, жойи келса, фақат шивир-лаб айтиладиган соф ўзбекча сўзларнинг,



“Янги Ўзбекистон” ва “Правда Востока”
газеталари тахририяти” ДМ

МУАССИС:
Ўзбекистон Республикаси
Вазирлар Маҳкамаси

Бош муҳаррир:
Салим ДОНИЁРОВ

Қабулхона: (71) 233-56-33 Девонхона ва эълонлар: (71) 233-70-98 E-mail: info@yuz.uz Веб-сайт: www.yuz.uz: (71) 233-47-05

Лойиҳанинг учинчи йирик дастури мамлакатимиз адабий ҳаётида катта воқеага айланган, Ўзбекистон халқ ёзувчиси Хайриддин Султоннинг “Ялдо кечаси” романи атрофида қурилди.

айёмларига бағишланган бўлса, учинчи кон-церт Ўзбекистон халқ ёзувчиси Хайриддин Султоннинг “Ялдо кечаси” асари атрофида қурилди.

Иккинчи шеърин концерт маҳоратли режиссёр Сайфиддин Мелиев томонидан сахналаштирилди. Залда бўш жой қолма-ган, қанча томошабин тик оёқда туриб, шеър эшитарди. Саҳнанинг ортида туриб, ўзимиз-нинг ҳам томоша қилгимиз келгани рост. Эл-нинг катта шоирлари Йўлдош Ёшбек, Ноди-ра Афоқова, Зебо Мирзо, Наргиза Одинаева билан бир дастурда шеър ўқийётганимиздан ғурурланиб ўтирдик.

“Бинафша”, “Кўнгил” каби қўшиқлар, маҳоратли созандаларнинг ҳар битта шеър-га, ҳар битта чиқишга жўр бўлиши залда ўзига хос унутилмас кайфият яратди. Саҳнада жа-дид боболаримизнинг сиймолари, устозла-римиз ўғитлари ва бугунги авлоднинг дадил сўзлари уйғунлашиб кетди. Энг кизиги, кон-церт якунлангани, дастур тугагани айтимла-гунча ҳеч ким жойидан қўзғалмади, одамлар зални тарк этгиси келмай, ижодкорларни тик туриб узоқ олқишлади...

“Ялдо кечаси”

Лойиҳанинг учинчи йирик дастури мам-лакатимиз адабий ҳаётида катта воқеага айланган, Ўзбекистон халқ ёзувчиси Хай-риддин Султоннинг “Ялдо кечаси” романи атрофида қурилди. Мазкур тадбир фақат ки-тоб тақдими эмас, балки миллат хотира-си, йўқотилган жадид авлоди фожиаси ва биз-нинг улар олдидаги қарзимиздан сўзловчи адабий-маърифий кечага айланди.

Тақдимиоти кузата туриб, асарнинг маҳоратли режиссёр қўлига тушиши қан-дай ноёб ҳодиса эканига яна бир бор амин бўлдим. Сценарий муаллифлари романнинг умумий руҳиятидан келиб чиқиб, Нажмид-дин Турон, Мадина Норчаева, Шахриёр Шавкат, Нозима Ҳабибуллоева ва Рашид Хўжамов каби ижодкорларнинг шеърларини асар воқеалари билан шундай пухта ва уйғун ҳолда боғлагани, натижада ахлит бадийий тизим, композиция юзага келган.

Саҳнадаги ҳар бир деталъ — шамол-дан, занжирларга ўралган қурул, қизил мато устидаги совуқ ойболта, давр либослари ва экрандаги тарихий лавҳалар асар ғоясини



Аслида, ҳар қандай йирик лойиҳанинг тақдирини ва келажаги унинг энг биринчи ташлаган қадамига, илк тақдимиотига бо-глик бўлади. Агар дастлабки қадам суст ёки ишончсиз чиқса, кейинги ҳаракатларнинг оммалашини қийин кечади. “Сўз” лойиҳаси ўша биринчи катта қадами дадил ва муваф-фақиятли ташлади. Илк шеърин концертдаёқ ёшлар орасида машхур, умидли ва ўз овози-га эга шоирлар лойиҳага жалб этилди.

Шундан сўнг лойиҳа мантиқий изчил-ликда давом этди: иккинчи концерт буюк мутафаккир боболаримиз Алишер Навоий ва Заҳириддин Муҳаммад Бобур таваллуд

очишга хизмат қилди. Айниқса, саҳна четида осылган беш рангли матонинг гоҳ Туркистон мухторияти Даврини, гоҳ шўрларнинг оғир байрогини акс эттириб, рангини ўзгартириб туриши томошабинда кучли руҳий таассурот уйғотди. Саҳнадаги ака-уканинг фирқавий бахслари, қўрбоишлар ва жадидларнинг суҳ-бат, театр актёрлари ижросидаги Ёдгорбек, Озодбек, Одилбек ва Ойинса қўрбоиш сий-молари бизни ўша давр жоилари билан юзма-юз келтирди.

Шеър ва драматик чиқишларга ҳамнафас тарзда ижро этилган “Қарғалар учса, қарай-лик” қўшигининг юракни ларзага солувчи янгича талқини ҳамда Абдулла Қодирий сатрлари билан айтилган “Йиллар” кўшиги кечага ўзгача бадий рух бағишлади. Кон-церт давомида зал шу қадар сукунатга чўм-дики, худди жами томошабинлар сўз сеҳрига шўнғиб кетгандек эди. Телефонга, гаджет-ларга боғланиб қолган бугунги авлоднинг қалбига тўғри ёндашув орқали асл адабиёт билан кириб бориш мумкинлигининг яққол исботи ҳам шу бўлди аслида.

“Сўз” лойиҳаси бир неча фидойилар-нинг ташаббуси сифатида бошланиб, қисқа муддатда муҳим маънавий дастурга айланди. Яқинда Республика Маънавият ва маърифат марказида ўтказилган “Сўз” лойиҳаси ижод-корлари билан учрашувда лойиҳани сифат жиҳатдан янада яхшилаш, мавзулар кўлами-ни кенгайтириш ҳақида таклифлар, муно-сабатлар, баҳслар бўлди. Лойиҳа энди янги босқичга кўтарилади. Ушбу адабий ҳаракат фақат пойтахт залларида чекланиб қолмайди.

Тахририятга келган қўлёмалар тақриз қилинмайди ва муаллифга қайтариб берилади. Газетанинг етказиб берилиши учун обунани расмийлаштирган тақдирот жавоблар. Газета тахририят компьютер марказида саҳифаланди. Газетанинг полиграфик жиҳатдан сифатли чоп этилишига “ШАРҚ” НМАК масъул. Босмахона телефони: (71) 233-11-07.



Ҳафталик



ИШОНЧЛИ АХБОРОТ ВА КРЕАТИВ ЁНДАШУВЛАР УЙЎНЛИГИ

Фарғона шахрида бўлиб ўтган медиа ҳафталик давомида қарашлар ва имкониятлар бир мақсад йўлида бирлашди. Булар журналист имижи, миллий контент, пиар, хайп, тренд, таҳдид ва обуна каби масалалардир.



Президент Администрацияси ҳузури-даги ОАВ учун контент тайёрлаш маркази, Ёшлар ишлари агентлиги ва Фарғона вило-яти ҳокимлиги ҳамкорлигида ташкил этил-ган мазкур ҳафталикда вилоятдаги босма оммавий ахборот воситалари ходимлари, тележурналистлар, операторлар, ахборот хизмати вакиллари, блогерлар ҳамда соҳа-га қизиқувчи ёшлар иштирок этди. Ҳаф-талик малакали экспертлар томонидан олиб борилган, замонавий медиа оламининг долзарб йўналишлари, соҳадаги муаммолар ва уларнинг ечимлари, бугунги журналис-тикага қўйилаётган талаблар ҳамда тажриба ва маҳорат уй-ғунлигига асосланган амалий машгулотларга бой бўлди.

— Медиа ҳафталик-да вилоятимиздаги ОАВ-ларнинг 600 нафарга яқин ходими, матбуот хизмати вакиллари, блогерлар ва ёш ижодкорлар фаол ишти-рок этди, — дейди Фарғона вилояти ҳокимлиги матбуот хизмати раҳбари Маъсуджон Сулаймонов. — Шиддат билан ўзгариб, янгилашиб бораётган бугунги замонада журналистнинг сўзи ва ўрни ҳар қачонгидан ҳам муҳим. Миллий матбуотимиз маз-мун-мундарижасини белгилашда қалам аҳлининг тийрак нигоҳи, кенг дунёқараши ва замонавий билими хал қилувчи аҳамият-га эга. Ўтказилган ҳафталик давомида соҳа-нинг ана шу жиҳатларини ривожлантириш, холис ва тезкор ахборот тайёрлаш ҳамда уни етказиб беришда замонавий техника ва технологиялардан тўғри ва мақсадли фой-даланишнинг муҳимлиги эътиборга олинди. Бу йўналишларда республика даражасида-ги тажрибали журналист ва мутахассислар иштирокида машгулотлар ўтказилди.

Ўзига хос малака ошириш мактаби ва-зифасини ўтаган ҳафталикда иштироки-чар кўплаб қизиқарли ва ишончли маълум-отларга эга бўлди. Айниқса, газетхонлар эътиборини тортардиган таҳлилий мақолалар тайёрлаш, шунингдек, сифатли сайт, мобил дастур, SMM, видео, подкаст, newsletter каби қўшимча форматларни яратиш борасида ўт-казилган тренинглар ҳар жиҳатдан фойдали ва қизиқарли кечди.

— Бугунги ўқувчини эски услубда ахбо-рот ва янгиликлар бериш орқали қамраб олиб бўлмайди, — дейди “Марказий Фарғона” газетаси бош муҳаррири Азимжон Худойку-лов. — Чунки ахборот майдонида талаб ва таклифлар ўзгарган. Хўш, бундай вазиятда нима қилиш керак? Ҳафталик доирасида мавжуд муаммоларга ечим топишда қандай

омилларга амал қилиш лозимлиги, интер-нет ва босма нашрлардаги мақолаларнинг фарқи, уларни аудиторияга етказиб бериш услублари ҳамда кадрлар малакаси хусу-сида ўзаро фикр-мулоҳазалар алмашди. Босма нашрларни янада ривожлантириш ва оммалаштириш бўйича муҳим жиҳатлардан



хабардор бўлди. Бу ерда ўрганган билим ва кўникмаларимиз келгусидаги иш феолия-тимиз самарадорлигини оширишга, илгор тажрибаларни амалиётда кенг қўллашга им-коният яратди.

Ҳозирги кунда ҳар бир янгиликни ахбо-рот майдонида етказишда энг илгор техноло-гиялардан унумли фойдаланишни ҳаётнинг ўзи тақозо этмоқда. Мазкур жиҳатлар ино-батта олинган ҳолда иштирокчилар аудито-рия билан ишлаш кўникмаси, газета дизайни ва маркетинг, замонавий журналистиканинг янги аънавалари, таҳририятларнинг ахборот билан ишлаш маҳорати, медиаимиж яратиш, тезкор ва таъсирчан контент тайёрлаш бўйи-ча ҳам зарур амалий билимларга эга бўлди.

— Самимий ва очик мулоқотларга бой машгулотлар соҳадаги ютуқ ва камчилик-лардан тўғри хулоса чиқариш, маҳорат ҳамда тажрибалар билан ўртоқлашиш май-донига айланди, — дейди “Фарғона” телека-нали бош режиссёри Камолдин Турдалиев.

— Ижодкорларнинг ёши ва қарашлари тур-лича бўлса-да, мақсад бир — ахборот май-донига тезкор, холис ва тўғри маълумот етказиб бериш. Амалий жараёнларда бу борадаги билим ва кўникмаларимизни оши-риш, хусусан, феолиятда асосан нимагага эътибор қаратиш лозимлиги ҳақида керакли маълумотларга эга бўлди.

Мулоқот давомида маълумотнинг ҳаққо-нийлиги, холислиги ва шаффофлигини таъ-минлаш масаласига жиддий эътибор қара-тилди. Айни жараёнда инсон қадар-қиммати ҳамда шахсий ҳаёти дахлсизлигини ҳурмат қилиш каби масалалардаги ўзига хос ёнда-шувлар бўйича атрофлича фикр алмашилди.

— Журналист ҳар қандай ахборотни, би-ринчи навбатда, истемоличи сифатида қабул қилиши ва уни текшириб кўриши зарур, — дейди журналист Алишер Шокиров. — Ай-рим ҳолларда рост ахборотларга нисбатан ёлгон хабарлар тезкор ва кентроқ тарқалаёт-ганидан кўз юмиб бўлмайди. Бу эса омmani, тингловчини чалғитидади. Ушбу жараён жур-налистлардан алоҳида маҳорат талаб қилиб, замонавий техника ва технологиялар билан ишлашни пухта эгаллашни тақозо этади, албатта. Машгулотларда айнан шундай ва-зиятларда нимагага эътибор бериш, ахбо-ротни қандай усулда тезкор ва тўғри етказиб бериш борасида маҳорат дарслари ўтказил-гани айни муддао бўлди.

Амалий машгулотларда расмий манбаларни аниқлаш, миллий медиа-контент тайёрлаш ва фактчекнинг тажрибасини амалиётда қўллаш йўналишлари қамраб олинди. Шу билан бирга, мобилорграфлар, SMM мутахассислари, вайнер-лар, видеомонтажчилар ва фо-томухбирлар иштирокида ҳам махсус назарий ҳамда амалий машгулотлар ташкил этилди.

— Барча йўналишлардаги иш услубига тез мослашиш, ҳуқуқий ва иқтисодий билимларга эга бў-лиш, қолаверса, касб этикаси ва одобига алоҳида эътибор қаратиш зарур, — дейди медиаэксперт Икром Аввалбоев. — Бу жараёнда мульти-медиа имкониятларидан фойдаланиш, мақолага сарлавҳа таллаш маҳорати ва қисқа сонияларда ўқувчи ёки томошабин эътиборини жалб қила олиш кўникмасига эга бўлиш муҳим аҳамият касб этади. Миллий контент яратишда шунчаки шов-шув кўтариш эмас, балки қиммат манфаатига хизмат қилув-чи ва муаммога аниқ ечим берувчи мукамал ижодий маҳсулот яратиш асосий мақсад бўли-ши лозим. Сабаби, тезкор ахборот майдонида хабарни тўғри ва холис етказиш, ҳар қандай янгиликни барча томонлар манфаатини ино-батта олган ҳолда таҳлил қилиш ҳамда уни ау-диторияга таъсирчан усулда тақдим этиш энг муҳим вазифалардан биридир.

Мазкур лойиҳа фарғоналик медиа-ижодкорлар учун ўзаро мулоқот майдо-нида янги имконият эшикларини очди. Медиа ҳафталикда фаол иштирок этган ижодкорларга сертификатлар топширилди. Фарғоналик санъат усталари ижросидаги дилрабо куй-қўшиқлар эса тадбирга янада кўтаринки кайфият бағишлади.

Расулжон КАМОЛОВ,
“Янги Ўзбекистон” муҳбири
(Шерзод Қорабоев олган суратлар).



ГАЗЕТАДАГИ МАТЕРИАЛЛАРНИ ЛОТИН ЁЗУВИГА
АСОСЛАНГАН ЎЗБЕК АЛИФОСБИДА ЎҚИШ
УЧУН МАЗКУР QR-КОДНИ КАНАЕР ҚИЛИНГ.

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги томонидан 2020 йил 13 январда 1047-рақам билан рўйхатга олинган.
Нашр индекси — 236. **Буюртма** Г-546.
30761 нусхада босилди.
Ҳажми — 3 табоқ. **Офсет** услубида босилган. **Қоғоз бичими** А2.
Баҳоси келишилган нарҳда.

“ШАРҚ” наشريёт-матбаа акциядорлик компанияси
босмахонасида чоп этилди.
Босмахона манзили: Тошкент шаҳри, Буюк Турон кўчаси, 41-уй.

Навбатчи муҳаррир: Боборовшан Ғозиддинов
Мусахҳих: Маллоҳат Мингбоева
Дизайнер: Зафар Рўзиев

Манзилимиз:
100060, Тошкент шаҳри,
Шаҳрисабз кўчаси, 85-уй

Ўза яқини — 01:05 Топширилди — 02:25